

در - معادته باب عالی جاده - سیده
 دائرة مخصوصه در
 محل اداره :

مُشَارِقَاتُ

۱۳۲۶

م - لکمزده موافق آثار جدید مع الممنونیه قیود اول نور
 درج ایدیمین آثار اعاده اول نور

انظار :

دین ، فلسفه ، ادبیات ، حقوق و علوم دن باحث هفته لق رساله در

درسمادته نسخه سی ۵۰ پاره در

تیرله دن مقوا بورو ایله کوندریلیرسه سنوی
 ۲۰ غروش فضله آلنیر

درسمادته پوسته ایله کوندریلیرسه ولایات بدلی اخذ اولنور

تاریخ تأییدی :

۱۱ محوز ۳۲۴

مؤسسلری : ابوالعلا زین العابدین - ح - اشرف ادیب

سنه لکی الی آتافی

۳۵ ۶۵

۵۰ ۹۰

۵۰ غروشدر ۹۰

درسمادته

ولایاتده

ممالک اجنبیهده

برنجی سنه

۱۲ محرم ۳۲۷ پنجشنبه ۲۲ کانون ثانی ۳۲۴

عدد : ۲۴

صفحات حیادت

جانان یوردی
ایواه ، ایصغر دیار دلبر ..
هر گوشه سی برمنزار مغرب !
اوچشده ایچنده کی ترانه ،
قلمش سس سز بر آشیانه .
پریر مدفون طورور املر ..
کویا که قیام حشری بکمر !
یارب ، نه یه بویله بر پیغین خاله
اولش یاییور اوبقه باله ؟
یارب ، نه ایچون اولمه نابود ؟
یارب ، نه ایچون بوسایه ممدود ؟
یارب ، نه ایچون حریم جانان
اوستنده بو پرده پرده هجران ؟
لکن کورونن کیمک خیالی ؟
جانانمه بکزیور شوخالی ..
کیسوی سیاه نارماری
آلتنده جین لمعه داری
ظلمتار ایچنده صبح غمور ،
یا کوز بیکمنده نظره نور ؟
یا ابرهسار ایچنده جوال

باران شکننده درسیال ؛
یاسینه ده هر زمان جوشان یاد ،
یا قید بدنده روح آزاد !
ای طیف نکهفری یارک ،
اولمازمی بر آن ایچون قرارک ؟
هیات ، سراب شوقه دوندک ..
قارشیمده پارلداده کله سوندک !
کیمدن صوره یم که زرده دلبر ؟
برصمت عمیق ایچنده هریر .
جانان .. جانان .. دیدم ، یورولدم .
بن عکس صدایه قائل اولدم ،
لکن اوده یوق ! اصم و ابکم
طاغیر ، درملر ، بوتون شو عالم .
ای سودیکمک سویلی یوردی ،
حالك بکا شیمدی بك طوقوندی .
آج سینه کی ، یاد نکهتندن
برشمه یه قائل بو کون بن !
بر وقت او شمیم ناز پرور
تا صبحه قدر یانمده بکمر ،
— امیده و یروب بقا صوحی —
سر مست صفا ایدردی روحی .

هیات اونسیم صاف شمدی
نازان نازان سمایه کیتدی !
ای لانه تارمار سویله ،
جانان سکا آرتق اینیورمی ؟
ای ماتم پایدار سویله ،
ساحه کده کی نوحه دینیورمی ؟
ای ابر سما کزین سیار ،
یاد کده میدر او نازلی رفتار ؟
ای ضربه باده قارشی رعشان
انشاد اینن ایدن نهالان ،
بر شعر روان اولوبده جانان ،
کچمزمی بو کولکدن خرامان ؟
ای دلبر مهربان ، ظهور ایت ..
عمرم کبی آکسزین مرور ایت !
یا قلب فضایه بر خطور ایت :
آفاقمی لمعه لمعه نور ایت .
بیك نوحه جان ایچنده پر جوش .
کقدم بو غریب یورده ، مدهوش .
فریادیمی یوقی دیکله بن کوش ؟
یارب بو نصل جهان خاموش ؟
بر « یوق » دییه جک صداده یوقش
محمد عاکف

سفیر الاسلام الی سائر الاقوام

— مابعد و ختام —

ازواج مطهراته کلنجه آنلر او امهات مؤمنین درکه غایه زهد
و صلاحده اولملریله برابر کمال و فضیلتک تمثال مجسمی ایدیلر . بر حالده که
طاهرات ، تقیات ، القاب شریفه سی اذیال اسامی عصمت پناهیلرینک
لاحقه جمیله سی اولمش در . ایمدی بو مبلغه بالغ اولان حاله ریامی
دییه جگیز ؟ بو مبلغه واصل اولان فضیلته فضیلت دیمزسه ک آرتق
فضیلت نه یه دییه جگیز ؟ اما [حاشا] شو صفات ایله اتصاف ایلدیکی
حاله جناب حق آنی تأیید ایدوب نصرت احسان ایلدی ، دییه
فرض ایدیلر جک اولورسه بوده مرور ایدن وجوه فرضیاتک اهوونی در .
مرائین ومفترینک مؤید اولسنی جناب حق عهد ایتشمی در ؟ عوام و خواصک
قلوبنه تسلط ایله ملری ایچون آنلره زمان فرصت و یرمشمی در ؟ علی الخصوص
مرائینک لقب نبوتی طاقینمش اولملرینه و کنیدیلرینی شرف و رفعت
جهتیه عالم انسانیتک اکبر حوادثندن معدود اولان سیای رسالتله
تزیین ایللرینه ناصل راضی اولور ؟

اولور . بوده انسانک نظام هیات اجتماعی دن و نظام کائناتدن درجه
غفلتته دلالت ایدر و بر کیمسه بویله بر فرض و احتمالک وجودینه قائل
اولورسه دیانات سائر حقهنده ده شک ایتسی لازم کلیر . زیرا اگر
جناب حق حاشا بر باطلی بودرجه تأیید ایدرسه دیانات سائر سابقه نکده
باطل اولسی بعید کورولمز ولکن رحمت الهیه واحوال کائناتده
قطعیاً تحصیل ایدن معرفت هیچ شبهه برافز که جناب حق مبطلین
ومفترینک دشمنی در . ملائکه کرامی وجود و وجوده متعلق هر شی
مبطلینک اعداسی در . بلکه حق تعالی نک نظام کونه تودیع بیوردینی
اسرار و علائقک عال و معلولات ، اسباب مسببات بیننده مرتب اولسی
مبطلونک ظفر و خلاصنه ، مدلسونک فوز و فلاحنه مانعه سدیده
تشکیل ایدر . زیرا تدلیس و افترا و بونلره مماثل صفات دنیه نک
ارتکابنه اجترأ آنجق نفوس ساقطیه لایق و روا اولمسندن ناشی
مبطلون و مدلسون وجهاً من الوجوه انقلابات مرقبه یه قدر تیاب اولسی
ممکن دکلدرد .

مسیحیون ، انجیلده عیسی علیه السلامک اقوال شریفه سندن اولمق
اوزره نقل و روایت ایدر لر که : وقتا که عیسی علیه السلام « بندن سوکره
انبیاء کاذبه ظهور ایدر جک در ، آنلردن صاقنکز » دیدی ؛ بعضلری
سؤال ایتدی که : « یانجی الله ! بز آنلری هانکی علامت ایله تمیز
ایدلم ؟ » بیوردی که : « علامتلی : آنلری جناب حقک تأیید

انسان شویله بر فرضک وجود و احتمالنه جواز و یردیکی حالده ،
عدالت الهیه بی اتهام ایلسی ایجاب ایدر که بوجوازی ده تعذیر کیری
موجب ونوامیس اجتماعیه سوء نظره باقسی اسانت عظیمه بی مستلزم

ایتمه می‌در. « بك اعلا ! يا جناب حقك تأييد ونصرت بیوردنی و آنکه دینی جمیع ادیان اوزره ترفیع واعلا ایله دیکی ذات شریف حقنده نه دییه جکسکر ؟

حضرتك [حاشا] شو صفتلره اتصاف ایتسیله برابر مرسلین سائره نك اعماله تفوق ایدن اعمال شریفه فوق العاده بی اظهار ایتسی احتمالنده بولنق ایسه جدا عجیب در. زیرا انسان برجسارت کستخانه ده بولنوب ده جناب واجب الوجودك بعض کره مفترین ومدلسینه مساعده ایله دیکنی فرض ایتسه بیله اومفترین ومدلسینك، عمللرینك آراتق سائر انبیاء ومرسلینك عمللرینه فائق اوله جق بر درجه ده اولمسی چون مساعده الهیه نك ارزان بیورلمسی معقوای در ؟

ایشته پیش نظر مزده کی تاریخ ناطق در که : محمد صلی الله علیه وسلم ابتدای بعثت سنیه لرندن عالم آخرتی تشریف لرینه قدر دوام ایدن یکریمی اوج سنه ظرننده من قبل الرحمن کتیردیکی شریعت مطهره ایله جزیره العربدن وثیت و شرکی باسرها هدم و عالمده مرسلین سابقیندن هیچ بریسنك مثالی اتیانه مقتدر اوله مدقلری اجل عمل و شرائعی تاسیس و رابطه رکنه بی حائز بر امت مدنییه بی تشکیل ایتمش در. ایمدی تصور اولنه بیایریمی که جناب حق مفترین ومدلسیندن اولانلری بویله جه تأیید ایدوب حتی انبیاء ومرسلینه تفوق ایتدیرسون ؟ زیرا جناب حقك، شان رذیاتی اعلا، قدر فضیاتی احما ایچون بزمله بویله برعه دی، یوقسه نبوت اوزره تدلیسی ترفیع واعلا ایده جکنه دائر بزه بروعدی واریمی در ؟ حاشا ثم حاشا !

اما امت عربك در که اسفنده اولان غداوتلرندن استفاده ایده رك حضرتك حاشا بو طریق تدلیسی رواجیاب ایله دیکنی فرض ایتك فروض سازجه جمله سندن در. ینه تاریخ بزه شاهد در که حضرت فخر عالم صلی الله علیه وسلم افندمز زمان سعد اقتران رسالتلرنده اون اوج سنه قدر بر زمان اهل مکة نك عظماسی ایچنده اقامت وانلری حقه دعوت بیوردیلر. دعوت سنیه بی آنحق قلیلون قبول ایدوب باقیلری وادی شک و تمردده قالدیلر. برحاله که جناب حق آنلرک دیدکلرینی حکایه نستعید بالله [وقالوا لن نؤمن لك حتى تفجر لنا من الارض ينبوعاً اوتکون لك جنة من نخيل وعنب تفجر الانهار خلالها تفرجيراً . اوتسقط السماء كما زعمت علينا کسفا اوتأتی بالله والملائكة قیلاً . اوترقی فی السماء وان نؤمن لر قیک حتی تنزل علينا کتاباً نقرأ] آیات جلیله سیله فرقان میننده بیان بیورور .

عظمای مکة شدت شکیمه اصحابندن اولدقلری کبی قابیلرنده شک تمکن ایتمش وعقائددن هیچ بر عقیده بی بسلمه مکده بولمش ایدیلر. برحاله که جناب حق آنلر طرفندن حکایه بیورور. [ولوفتا علیهم باباً من السماء فظلوا فیه یعرجون . لقالوا انما سكرت ابصارنا بل نحن قوم مسحورون]

حضرتك حاشا مدع ولکن نبیین ومرسلینك کلدکلری امر بالمعروف ونهی عن المنکر واقامة احکام وعبادات واطهار خوارق وکالات ایله کلدیکنی فرض ایتك دخی اولجه سبق ایدن فرضیات

غیر ثابته قیلندن در. زیرا بوفرض دخی عادت کونییه مخالف در. ناصل اولور که هم مفتری اولسون همده آندن جامع روح القسط حاوی اصول عدالت وعالم وجودده اعدل شریعتدن معدود اولان بر شریعت شریفه بی آیان واطهاو ایله سون ؟ قلوب سافله ونفوس دنیسه اصحابندن ترقیات بشریه بی وسعادت عمومیه بی کافل اولان بویله قوانین فاضله وشرائع کامله نك صدوری کورولمشی در ؟

شوفرضیات، حضرت محمد صلی الله علیه وسلم افندمزك رسول اولدیغنی زعم ایدن بر متجاسرک زعمنه کوره اولوب حال بوکه فرضیات مسروده نك علم وحقیقت نقطه نظرندن نه درجه لرده بی اصل وبی اساس اولدیغنی ارانه ایله دک .

ایمدی قارشو مزده آنحق فرض اول قالدی که اوده حضرت حضرتك رسول رب العالمین، امام الانبیاء والصالین، خاتم المرسلین والمخاصین وذوات قدسیات سمات رسالتینا هیلرینك رحمة للعالمین اولدیغنك تحققی وثبوتی در .

حضرت رسول اکرم صلی الله علیه وسلم افندمز من عندالله بر کتاب مبین ایله بعث وارسال اولمش در که بونور مبین بالآخره جمیع ناسك کتابی اوله جق در. « ولتعلمن نباء بعد حین » .

ترجمی : احمد جمال



مسلمانلقده اساسلر

— سلطان —

اسلامده « سلطنت دینی » دنیلن قوتك وجودی شویله طورسون، اسمی بیله یوقدر . مسلمانلق هم دین، هم شریعت اولدیغنی ایچون حدود وضع ایتمش، حقوق تعیین ایله مشدر . بناء علیه هر کس افعالنده ایستدیکی کبی حرکت ایتك حقنی بالطبع حائز اوله ماز . چونکه انسان بعضاً حسب البشریه هوساتنه مغلوب اولور ؛ شهوات نفسانیه سنك تحکمی آلتنده قاهره حقندن ذهول ایدر ؛ یاخود حدیثی تجاوزده بولنور . دیمک که حدود شرعی بی اقامه وادامه ایده جك ؛ حکم حاکیمی تنفیذ، نظام جمعیتی صیانت ایله جك بر قوت بولندججه احکام شرعیه نك تشریفنده کی حکمت تمام اوله ماز . بوقوتك ایسه بر جوق اشخاصه بردن تودیعیه تشسته اوغرا دلمسی جائز اوله مایه جفندن بر شخصده بولنمی لازم کلیر که اوده سلطان یاخود خلیفه در .

مسلمانلرک نظرندن خلیفه نه او یله معصومدر، نه ده الله طرفندن وحیه مظهر در . کتاب الهی، حدیث رسولی ایستدیکی کبی تفسیر امتیازینه ده مالک دکلدر . اوت، اونك مجتهد اولمسی ؛ یعنی کتاب وستندن احکام استنباط ایده جك قدر اسان عربی بیلمسی ؛ اولکی مقاله لریمزده سویلدیکمز مباحثه مطلع بولنمی مشروطدر که بوده حتی باطلدن، صحیحی فاسددن تمیزه بالذات مقتدر اوله رق هم دینك هم امتك کنیدی سندن بکله مکده اولدیغنی اجرای عدالت مسئله سنده کوچك چکمه می ایچوندر . یوقسه کتاب الهی آکلامق، احکام شریعتی استخراج ایتك خصوصنده دین سلطانه بر مزیت خاص